

古

今

譚

槩

怪誕部第二目錄

天文冠

大像

酉陽雜俎載劖青事

計六條

刺眉

異服

計五條

假面假衣冠

計二條

宴生

祭死

張幼于贖罪

蘇湛引過

計二條

殮如封角

飼犬

潔疾

計九條

倪雲林事

計二條

惡婦人

朝野異聞載何顏學問

計三條

陳公戒酒

浴酒

洞天聖酒

楊希古佞佛

暴城隍

項王廟

馬狀元刺

詩文好怪

計三條

亭館奇名

曬腹書

解語神樞

陸舟

怪誕部

子猶曰、人情厭故而樂新、雖雅不欲怪、輒耳曜之、然
究竟怪非美事、紂爲長夜之飲、通國之人皆失日、以
問箕子、箕子不對、箕子非不能對也、以爲獨知怪矣。
楚王愛細腰、使羣臣俱減餐焉、議者謂六宮可也、羣
臣腰細何爲、不知出宮、忽見腰圍如許、王必怪、怪則
不測、卽微王令、能勿減餐乎哉、夫使人常所怪而怪
所常、則怪反故而常反新矣、新故須臾、何人情之不
遠猶也、昔富平孫家宰在位日、諸進士謁選、齊往受

教孫曰。做官無大難事。只其作怪。真名臣之言乎。豈
唯做官集怪誕第二。

○天文冠

新莽好怪。製天文冠。使司命冠之。乘乾車。駕坤馬。左蒼
龍。右白虎。前朱鳥。後玄武。右仗威節。左負威斗。號曰赤
星。以尊新室之威命。司命孔仁妻坐祝詛事。連及自殺。
仁見莽免冠謝。莽使尚書劾仁擅免天文冠。大不敬。有
詔勿問。更易新冠。
到王莽身上。周官并珥俱屬怪誕。不止天文冠已也。

○大像

天后寵僧懷義爲作夾紵大像小指中猶容十數人構天堂以居焉又殺牛取血畫大像首高二百尺云懷義刺漆血爲之張於天津橋南忽大風起裂像爲數百段

○西陽雜俎載劊青事

上都市肆惡少好爲劊青有張幹者劊左膊曰生不怕京兆尹右膊曰死不畏閻羅王又有王刀奴以錢五千召劊工於胸腹爲山池亭院草木飛走無不畢具細若設色京兆尹薛元賞病快悉病快劊之。又高陵縣捉得鏤身者

宋元素。剗七十一處。刺左臂曰。昔日已前家未貧。千金不惜結交親。及至恓惶覓知己。行盡關山無一人。右膊剗葫蘆。上剗出人首如傀儡戲。所謂郭公者。縣吏不解。問之。言葫蘆精也。

蜀市人趙高。滿背鑲毘沙門天王。吏欲杖其背。見天王輒止。恃此轉爲坊市患。李夷簡擒而杖之。叱杖子補杖打天王。盡則已。經旬日。高袒衣。歷門叫呼。乞脩理天王功德錢。

段成式門下駟路神通。背刺天王像。自言能得神力。每

朔望具乳糜焚香袒坐使妻兒供養其背而拜焉

貞元中荆州市中有鬻劄者製爲印上簇針爲衆物狀如蟾蜍鳥獸隨人所欲印之刷以石墨精細如畫焉

天下事久必成套無怪不常卽劄印一事可見

荊州街男子葛清自頸已下通劄白居易詩段成式嘗與刺客陳至呼觀之令其自解背上亦能闇記反手指其劄處至不是花中偏愛菊則有一人持杯臨菊叢黃夾纈窠寒有葉則指一樹樹上掛纈窠窠紋絕細凡劄三十餘首體無完膚陳至呼爲白舍人行諱圖

蜀小將韋少卿少不喜書嗜好劖青其季父嘗令解衣
視背上劖一樹樹杪集鳥數千其下懸鏡鏡鼻繫索有
人止於側牽之叔不解問焉少卿笑曰叔不曾讀張燕
公詩云挽鏡寒鴉集耶叔大笑不已

陳錫玄曰此直以親之枝供兒戲耳可謂非夷俗耶
獨有一道士爲郭威馮暉彫刺則有異焉刺郭於項
右作雀左作穀粟刺馮以臍作窰中作雁數隻戒以
他日雀銜穀雁出窰是爾亨日後郭祖秉麾雀穀稍
近比登極雀遂銜穀而馮是時爲帥雁亦自窰中纍

累出矣。一時雕刺，却寄先徵，異哉。

○○刺眉

彭淵材初見范文正公畫像，驚喜再拜，前磬折稱新昌布衣彭几，幸獲拜謁。旣罷，熟視曰：「有奇德者必有奇形，乃引鏡自照，又捋其鬚曰：『大略似之矣，但只無耳毫數莖耳。』」年大，當十相具足也。又至廬山太平觀，見狄梁公像，眉目入鬚，又前再贊曰：「有宋進士彭几謹拜謁。」又熟視久之，呼刀鐸者，使刺其眉尾，令作卓枝入鬚之狀。家人輩望見，驚笑。淵材怒曰：「何笑？吾前見范文正公，恨無。」

耳毫。今見狄梁公，不敢不剃。何笑之乎？
笑林評曰：見晉王克用，卽當剔目。遇婁相師德，更須
折足矣。子猶曰：此等人，宜黥其面，使學狄青，却其膝，
使學孫臏。或問其故，曰：這花臉，如何行得通。

○異服

進士曹奎作大袖袍。楊衍問曰：袖何須此大？奎曰：要盛
天下蒼生。衍笑曰：盛得一箇蒼生矣。

今吾蘇遍地曹奎矣。

翟耆年好奇，巾服一如唐人，自名唐裝。一日往見許彥

周彥周髻髻著犢鼻褌躡高屐山迎翟愕然彥周徐曰
吾晉裝也公何怪

只容得你唐裝

北齊宋道暉阜城人與同郡熊安生並稱經師道暉好
著高翅帽大屐州將初臨輒服以謁見仰頭舉肘拜於
屐上自言學士比三公後齊任城王潛鞭之道暉徐呼
安偉安偉出謂人曰我受鞭不着體復躡屐翩翩而去
冀州爲之語曰顯公鐘宋公鼓宋道暉屐李洛姬肚謂
之四大顯公沙門也宋公安德太守

○今人稱頌經師必以絳帳爲賢而以高帽大履爲醜。不知道暉特迂怪可笑耳。未若馬融之可恥也。融以
以一代大儒門生滿天下而諂事梁冀獻西第頌。又
李固之誅疏草實出融手視高帽大履岸然於任城
王之前者相去何啻千里。

元祐中米元章居京師被服怪異戴高簷帽既坐輒爲
頂蓋所礙遂撤去露頂而坐一日出保康門遇晁以道
以道大笑下輜握手問曰晁四你道似甚底晁云我道
你似鬼章二人撫掌絕倒時西邊獲賊寨首領鬼章檻

車入京、故以爲戲、

蜀中日者費孝先筮易、以丹青寓吉凶、謂之卦影、其後轉相祖述、畫人物不常、鳥或四足、獸或兩足、人或儒冠而僧衣、故爲怪以見象、米元章好怪、常戴俗帽、衣深衣而躡朝鞋、人目爲活卦影。

○○假面假衣服

張幼于燕居、多用假面、少與山僧處、嘿厚、一日往京覓官、過別張笑謂曰、我儒人尚無宦情、汝反不禁中熱耶、及拜官歸、乘馬相訪、張星冠羽服、戴假面出迎、口不發

一辭推以乘騎、觀者載道、馬不得前、又郁山人璠、攜村妓至、曰、婦能詩、請聯句、坐方洽、其夫忽以儒衣冠登座、訝客不當近其內、客欲散、止之曰、吾當以干戚解圍、仍用羽服、假面與揖遜、夫驚而逸、

假面對假曾、假儒正妓。

張敎

幻于晚年改名敎

嘗過江陰薛世和、薛方拜鴻臚歸、見架

上衣冠門有繫馬、竟服其衣冠、乘馬張蓋、報張薛二孝廉之謁、二公具衣冠送迎、賓主略不相誅、

世上衣冠半假也、幻于特爲拈示。

○○宴死 祭生

黃彪夜看張敕見其齋中設筵敕獨居主人位嘿若談對問其故答曰今日宴死友張之象董宜陽何良傳莫如忠周恩兼五人我念所至輒與心語彪笑曰以公所邀諒諸君必赴

諸君奇客張奇情黃亦奇語

張孝資與張敕善嘗謂敕曰予倘先君歿當煩設祭及吾未也蓋先諸敕奇其意爲十日縣祭文設几筵籩豆孝資至先延之後閣令僎相贊禮伶人奏樂出之正襟

危坐助祭者朗誦祭章聲伎滿堂香煙繚繞教贈以詩云祭是生前設寃非死後招

金陵史癡

名忠字廷直

年踰八十預命發引已隨而行謂

之生殯孝資生祭類之

○○張幼于贖罪

張居士鵬月朔謁家廟樓區忽墮張曰此祖宗怒我也因沐浴茹素作自責文囚服長跼謝過凡七日以巨石壓頂令家奴下杖數十已而口占贖罪文備述生平讀書好客之事因起更衣挿花披錦鼓樂導之而出曰祖

宗釋我矣。

○○蘇湛引過

蘇世長在陝邑里犯法不能禁乃引咎自撻於市廛五百人疾其詆鞭之流血長不勝痛楚而走。

側身脩行足矣。而成湯以身代犧閉閤思過足矣。而世長以身受撻是皆已甚也。鞭之流血長不容不走矣。倘桑林之神真欲奉享不知商王意下如何。

湛子文朴令江夏勤省過失設有小愆輒以狀自劾使吏望闕呼名已唯諾示改。

虛文可厭。

○殮如封角

司馬文正公薨。程正叔以臆說殮之。如封角狀。東坡族其怪妄。怒詆曰。此豈信物一角。附上閻羅大王者耶。唐末吳堯卿以傭保起家。托附權勢。盜用鹽鐵錢六十萬緡。及廣陵陷。軍人識堯卿者。咸請啗之。畢師鐸不許。夜令易服而遁。至楚州。爲讎所殺。棄尸衢中。其妻以紙絮葦棺歛之。未及就壙。好事者題其上云。信物一角。附至阿鼻地獄。請去糾紲。送上閻羅大王。時

人以爲笑端蘇語本此

○飼犬

暢師文好奇尚怪總帥汪公張具延飲主人方送正飯師文忽頤使其童瀉羹於地羅籠餅其側主命再供既至又復如前逕推案上馬而去後使人問之因作色曰獨不見其犬乎武寢或訛列於庭下是不以犬見待且必以犬見噬也吾故飼之而出耳

犬客竝列亦是主人不謹莫怪莫怪

○潔疾

暢純父有潔疾與人飲必欲至盡以巾拭爵乾而後授之則喜自飲亦然食物多自手製水惟飲前桶薪必以尺葱必以寸一日劉時中與文子方同過值其濯足暢聞二人至輟洗而迎曰適有佳味可供佳客遂於臥內取四大桃置案上以二桃洗於濯足水中持啖二人子方與時中云公洗者公自享之勿以二桃污三士也因於案上各取一顆大笑而出

純父過以潔自信

齊王思遠性簡潔客詣已者永服垢穢則不前必刑儀

新楚乃與促膝及客去猶令二人交帚拂其坐處

同時丘明士蓬首散髮終日酣醉李珪之曰吾見王思遠便憶丘明士見丘明士便憶王思遠

宗炳之性潔賓客造之者去未出戶輒令拭席洗牀遂安令劉澄有潔癖在縣掃拂郭邑路無橫草水翦蟲穢大不潔百姓不堪

王維居輞川地不容微塵日有十數帚掃治專使兩僮縛帚有時不給

王思微好潔左右提衣必用白紙裏手指宅中有犬汗

屋棟思微令門生洗之。意猶未已。更令刮削。復言未足。遂令易柱。

荆公夫人吳。性好潔。與公不合。公自江寧乞歸私第。有一官藤牀。吳假用未還。官吏來索。左右莫敢言。公直跣而登牀。偃仰良久。吳望見。卽命送還。又嘗爲長女製衣。贈甥。裂綺將成。忽有貓臥其旁。夫人將衣置浴室下。任其腐敗。終不與人。

荆公終日不梳洗。蟻蝨滿衣。當是月老錯配。

米元章有潔疾。盥手以銀爲斗。置長柄。俾奴僕執以瀉。

水於手呼爲水斗已而兩手相拍至乾都不用巾拭有客造元章者去必濯其坐榻巾帽亦時時洗滌又朝靴偶爲他人所持必甚惡之因屢洗遂損不可穿

周仁熟與米芾交契一日芾言得一研非世間物殆天地秘藏待我識之答曰公雖名博識所得之物眞贗各半特善誇耳芾方發筭檢取周亦隨起索巾滌手者再若欲敬觀狀芾喜出研周稱賞不已且云誠爲尤物未知發墨何如命取水未至亟以唾點磨墨芾變色曰一何先恭後僞研汚矣不可用周遂取歸

或作子瞻唾研非也

芾初見徽宗，命書周官篇於御屏，書畢，擲筆於地，大言曰：「一洗二王惡札，照耀皇宋萬年。」周殿撰謂芾善諛，誠不謬。○周非欲研，特以米好潔，聊資嬉笑耳。周後復以研歸米，米竟不取。

○倪雲林事

倪雲林，名瓚，元鎮其字也。性好潔，文房拾物，兩僮輪轉拂塵，須臾弗停。庭前有梧桐樹，旦夕汲水揩洗，竟至稿死。嘗留友人宿齋中，慮有汗損，夜三四起潛聽焉。微聞嗽聲，大惡之。凌晨令童索啖痕，不得，童懼，拾敗葉上。

有積垢似啖痕以塞責。倪掩鼻閉目。令持棄三里外。其寓鄒氏日。鄒塾師有壻曰金宣伯。一日來訪。倪問宣伯。儒者。倒屣迎之。見其言貌。竊率大怒。掌其頰。宣伯媿忿。不見主人而去。鄒出。頗怪之。倪曰。宣伯面目可憎。語言無味。吾斥去之矣。初張士誠弟士信。聞倪善畫。使人持絹。侑以重幣。欲求其筆。倪怒曰。倪瓚不能爲王門畫師。卽裂去其絹。士信深銜之。一日士信與諸文士遊太湖。聞小舟中有異香。士信曰。此必一勝流。急傍舟近之。乃倪也。士信大怒。卽欲手刃之。諸人力爲營救。然猶鞭倪。

數十倪竟不吐一語。後有人問之曰：君被窘辱而一語不發，何也？倪曰：一說便俗。

或又言元鎮因香被執，囚於有司，每傳食，命獄卒舉案齊眉。卒問其故，不答。旁曰：恐汝唾沫及飯耳。卒怒，鎖之溺器側。衆雖爲祈免，憤哽竟成脾泄。今人以太祖投之廁中，謬也。

又聞倪元鎮嗜茶，其用果按者，名清泉白石，非佳客不供。有客請見，且彌月矣。倪鑒其誠，許之。客丰神飄灑，倪甚欣洽，命進此茶。客因渴，再及而盡。倪便停盞。

入內終不出客請其故倪曰遇清泉白石不徐徐賞
味定非雅士又倪有清秘閣人所罕到有白馬極護
惜會母病請葛仙翁診視時天雨葛要以白馬相迎
既乘馬亂行泥淖中人馬俱污及門先求登清秘閣
倪不敢拒葛躡屐而上咳唾狼籍古玩書籍翻覆殆
遍倪自是遂廢此閣終身不登或云倪有仙骨葛以
此破其迂僻冀得度世惜乎其不悟也

倪元鎮於女色少所當意一日眷金陵趙歌姬留宿別
業心疑不潔俾之浴既登榻以手自頂至踵且捫且嗅

捫至陰、復俾浴、凡再四、東方既白、不復作巫山之夢、
同時楊廉夫、號好聲色、每會間見歌兒足小、卽脫其
鞵、載盞行酒、謂之金蓮杯、一日與倪會飲、楊脫妓鞵、
傳觴、倪怒、翻案而起、楊亦色變、席遂散、後二公竟不
復面、

○惡婦人

梁蕭譽惡見婦人、雖相去數步、亦云遙聞其臭、
世間逐臭之人、又何多也、

○○朝野異聞載何顏學問

嘉隆間、講學盛行、而楚人顏山農之說最奇、謂貪財好色、皆從性生、天機所發、不可闕之、第勿留滯胃中而已。門人羅汝芳成進士、戒且勿廷對、羅不從、明年遇之淮上、笞之十五、挾以遊、羅唯唯惟命、後至南都、以挾詐人財事發、捕之官、笞五十、不哀祈、亦不轉側、困囚固且死、羅力救之、得出、出則大詈不已、謂獄我者尚知我、而汝不知我也、羅亦唯唯。

何心隱者、其才高於顏山農、而狠幻過之、嘗言天地一殺機也、堯不能殺舜、舜不能殺禹、故以天下讓湯、武能

殺桀紂故得天下少嘗師事山農山農有例師事之者
必先殿三拳而後受拜心隱既事山農察其所行意甚
悔一日值山農之淫於村婦也匿隱處俟其出而扼之
亦殿三拳使拜削弟子籍

正是天機不知心裏何以相宜

按顏譎戍歸八十餘尚無恙而何竟爲張江陵所殺
幸與不幸耳然江陵未相時訪耿御史坐席未煖而
去何從屏後窺之便謂此人能殺我亦異矣哉

○陳公戒酒

南京陳公鎬善酒督學山東時父慮其廢事寓書戒之

乃出俸金命工製一大盃可容二觔許鐫八字於內云
父命戒酒止飲三杯士林傳笑

按公爲山東提學時夜至濟陽公館庖人供膳無箸
恐公怒責公略不爲意或請啓門外索弗許庖人乃
削柳條爲箸公曰禮與食孰重竟不夜餐亦迂介之
士也予猶曰簋簠始於上罔安知削柳非箸之始乎
迂儒不知禮意但立異取名耳不然胡不并三杯戒
之

○○浴酒

石裕造酒數斛、忽解衣入其中、恣沐浴而出、告子弟曰、
吾平生飲酒、恨毛髮未識其味、今日聊以設之、庶無厚
薄。

○洞天聖酒

號國夫人就屋梁懸鹿腸、其中結之、有宴、則解開、於梁
上注酒、號洞天聖酒。

楊希古佞佛

楊希古性迂僻、酷嗜佛法、嘗設道場於第、每凌旦、輒入
其內、以身俯地、俾僧據其上、誦金剛經三遍。

○暴城隍

萬曆己丑蘇郡大旱時石楚陽爲守清惠素聞禱雨特切乃昇城隍於雪壇與之對坐去蓋暴烈日中神像皴裂而石感暑疾幾殆曾國謂加公銅誤也

○項王廟

夷堅支和州士人杜默累舉不成名性英儻不羈因過烏江入謁項王廟時正被酒霑醉才炷香拜訖徑升偶坐据神頸拊其首而慟大聲語曰大王有相虧者英雄如大王而不能得天下文章如杜默而進取不得官語

畢又大慟、淚如迸泉、廟祝畏其獲罪、扶掖以出、秉燭檢
視神像、垂淚亦未已、

以憤王遇歌、豪正如重歌、拔山那得不淚、

石介作三
豪詩、謂此

默歌、豪石曼卿詩
豪賦陽永叔文豪

○馬狀元刻

相傳馬狀元鐸母馬氏妻也、嫡妬不容、再嫁同邑李氏、
復生一子、名馬、後亦中狀元、上喜其文、御筆於馬旁
加其字、名李騏、越三日、瀘傳凡三唱、無應者、上曰、卽
李馬也、騏乃受詔、每投刺、騏字、黑書馬、朱書其

相傳徐髯翁受武宗知遇曾以御手凭其左肩遂製一龍爪於肩上與人揖只下右手亦怪事也

一母生二狀元奇哉宋陳尚書與潘榮之交厚潘無子陳有妾宜子乃以借之卽了翁之母也未幾潘生子名良貴其母遂往來兩家焉一母生二名儒亦前所未有

○詩文好怪

羅玘爲文率奇古險怪居金陵時每有撰造必棲跼喬木之顛霞思天想或時閉坐一室客於隙間窺見其容

色枯槁、有死人氣、都穆乞伊考誌銘、銘成、語穆曰、我爲此銘、瞑去四五度矣、

怪道誌銘多說鬼話、

劉幾有文名、歐公知貢舉、得幾卷、曰、天地軋萬物、茁聖人發、公續之曰、秀才刺、試官刷、以朱筆直勒之、

盧仝號玉川子、詩體與馬異俱尚險怪、二人結交詩云、仝不仝、異不異、是謂大仝而小異、

○○亭館奇名

江西右諭蕭大山、好奇之士、名其堂曰堂堂、軒曰軒軒、

軒。軒亭曰亭。亭。陳越經江西。蕭邀飲。遍歷亭館。以觀其區。至一洞。因戲之曰。何不云洞洞洞。蕭爲不懌。

○曬腹書

郝隆七月七日出日中。仰臥人問其故。答曰。我曬書。東坡謂晨飲爲澆書。李黃門謂午睡爲攤飯。

○解語神樞

苗耽進士嘗自外遊。歸途疾甚。不堪登升。適有輦棺而回者。以其價賤。卽就而寢息其中。至洛東門。聞者不知其中有人。詰其來由。耽謂其訝已。徐答曰。衣冠道路得。

病貧不能致他物相與無怪也。聞者曰：吾守此三十年矣，未嘗見有解語神柅。

○陸舟

張思光給假東出，世祖問卿住何處？答云：臣陸處無屋，舟居非水。後日上以問其從兄思曼，思曼曰：融近東出，未有居止，權牽小船於岸上住。

癡絕部第三目錄

癡趣

計五條

蘇州癡

米顛事

計七條

去髯

畏癡

計二條

驕癡

計三條

喜得句

計二條

太史公

金老童

愚癡

計五條

妬癡

愛癡

計三條

寵妃

計二條

渺媚

內園小兒

愛子

嘔癡

計二條

貪癡

計四條

惡癡

計十條

風流箭

癡畜生

計七條

癡絕部

子猶曰虎頭三絕癡居一焉癡不可乎得斯趣者人
天大受用處也碗大一片赤縣神州縱生塞滿原屬
假合若復件件認真爭競何已故直須以癡趣破之
過則驕不及則愚是各有不受用處若夫妬愛貪嗔
還以認真受諸苦惱至癡而惡焉則畜生而已矣母
爲驚嚇母爲螳怒不望癡福且違癡禍集癡絕第三

○○癡趣

陶淵明日用銅鉢煮粥爲食遇發火則再拜曰非有是

火何以充腹。

賈島常以歲除取一年所得詩祭以酒曰勞吾精神以是補之。

方銘隱天門山以搜欄葉拂書號曰無塵子月以酒脯祭之。

韓退之嘗登華山巔窮極幽險心悸目眩不能下發狂號哭投書與家人別華陰令百計取之方能下。

便知心術勝章子厚。

張旭大醉以頭濡墨而書。

○蘇州癡

蘇人好遊。袁中郎詩云。蘇人三件大奇事。六月荷花二十四。中秋無月。虎丘山。重陽有雨。治平寺。

此正蘇州人一生大正經處。

○○米顛事

米元章知無爲軍。見州廨立石甚奇。命取袍笏拜之。呼曰石丈。言事者聞而諭之。朝廷傳以爲笑。或語芾曰。誠有否。芾徐曰。吾何嘗拜。乃揖之耳。

宋徽宗在艮嶽。召米芾至。令書一大屏。指御案間端硯。

使就用之。芾書成，卽捧硯跪請曰：「此硯經臣濡染，不堪復以進御。」上大笑，因以賜之。

只癡進，不癡出。

米元章一帖云：「承借刺員，其人不名，自稱曰張大伯，是何老物，輒欲爲人父之兄，若爲大叔，猶之可也。」

米元章嘗爲書畫學博士，後遷禮部員外郎，數遭白管逐出。一日以書抵蔡京，訴其流落，且言舉室百指，行至陳留，獨得一舟如許大，遂畫一艇於行間。京哂焉，時彈文正謂其顛，而芾又歷告諸執政，自謂久任中外，竝被

大臣知遇舉主累數十百皆用吏能爲稱首一無有以顛蒙者世遂傳米老辨顛帖

東坡在維揚一日設客皆名士米元章亦在坐酒半忽起曰世人皆以芾爲顛顛質之子瞻公答曰吾從衆惟不自謂癡乃真癡今則癡人比比是矣飾癡態以售其姦借癡名以寬其謗此又古人中所未有也

米芾好奇葬其親潤州山間不封不樹嘗自詫於人言莫有知其穴者有王相者素與米遊甚狎獨知之米日與客遊山因至墓所周覽之次相忽溲於草間米色

變意甚怒然業已諱之竟不敢止相

米芾方擇壻會建康段拂字去塵芾擇之曰旣拂矣又去塵真吾壻也以女妻之

○去髯

郭恕先放曠不羈尤不與俗人伍宋太宗聞其名召赴闕館於內侍者竇神興舍恕先長髯而美一日忽盡去之神興驚問其故曰聊以效顰

○畏癡

涓石梁性畏見已之影以爲鬼也驚而死

陸念先生平畏鬼、畏水、畏狗、夜寢必擁持一人乃安、不然亦與連榻、不得遠去數武、近道未嘗就舟、適遠當渡、濶處則洪飲取醉、重衾蒙首、悶臥艫中、或故牽出之、卽狂呼哀鳴、不啻就死、行街市中、見犬必避人後、或聞狺狺聲、輒狂奔無地、欲訪客必令一人前驅衛之、徐聲遠寓韓氏園、庭蓄馴鶴、陸詣徐、偶應門無人、立俟戶外良久、徐始覺、因調之曰、公畏鶴如狗、奈天下笑何。

○○驕癡

顧長康體中癡點各半、矜伐過實、諸少年因相稱譽以

爲戲弄，爲散騎常侍，與謝瞻連省，夜於月下長詠，自云
得先賢風制，瞻每遙贊之。長康彌自力，忘倦，瞻將眠，語
槌脚人：「令代愜之，不覺有異。」遂諷詠達旦。
槌脚人何必不如白家老嫗，得他贊亦自好。

子美善鄭廣文，嘗以花卿及姜楚公畫鷹歌示鄭。鄭曰：
「足下此詩可以療疾。」他日鄭妻病，杜曰：「爾但言子璋觸
體血模糊，手提擲還崔大夫。」如不瘥，卽云：「觀者徒驚帖
壁飛。」畫師不是無心學。未間更有昔日太宗拳毛騮，近
時郭家獅子花。如又不瘥，雖和扁不能爲矣。

顧愷之以一廚畫寄桓玄，玄發廚後竊之，而緘閉如故。後愷之來，故已空，笑曰：「妙畫通靈，變化去矣。」

○○喜得句

葑門老儒朱野航頗攻詩，館於王氏。與主人晚酌罷，主人入內，適月上，朱得句云：「萬事不如盃在手。」一年幾見月當頭。喜極發狂，大叫叩扉呼主人起，舉家皇駭，疑是火盜，及出問，始知乃取酒更酌一酒也。先生賞詩，主人壓驚。

閩人周朴性喜吟詩，每遇景物，搜奇抉思，日旰忘返，尚

得句則欣然自快。時適野逢一負薪者，忽持之厲聲曰：「我得之矣。」句云：「子孫何處爲閒客？」松栢被人伐作薪，樵夫鬻然驚駭，掣臂棄薪而走。遇微卒，疑樵者爲偷兒，執而訊之。朴徐往告卒曰：「適見負薪，因得句耳。」卒乃釋之。一士人欲戲之，一日跨驢於路，見朴來，故欹帽掩面吟。朴舊詩云：「禹力不到處，河聲流向東。」朴聞，遽隨其後，士促驢而去，略不顧。行數里，追及，語曰：「僕詩河聲流向西，非向東也。」士人領之而已。閩中傳以爲笑。

○太史公

山人某姓者、自負其才、傍無一人、途中聞乞兒化錢聲、甚淒惋、問曰、如此哀求、能得幾何、若叫一聲、太史公、爺、爺、當以百錢賞汝、乞兒連喚三聲、某傾囊中錢與之、一笑而去、乞兒問人云、太史公是何物、值錢乃爾、

○金老童

烏程金生、七十餘、猶應童子試、爲文鄙俚、而高自矜期、人見之、無不笑者、因詒之云、凡文章令人贊美、尚非其至、若奇快之極、不禁歡笑、古名人之筆、贊美有之、其能發人笑者、卽王唐不數數也、金信之、自是有笑其文者、

金亦隨之撫掌。嘗對人云：吾某文爲某某先生所笑，以此自炫焉。遇縉紳輒拜稱門生，冀其薦達。縉紳亦利其呈課，以爲笑端。適陳令正經試士，縉紳預言老童之狀，令獨標其名爲一案。召語之曰：汝的是奇才，不愧案首。惜汝齒長，留作來生未了事可也。金逢人輒道令之知而不舉，以爲忌才。欲持卷訟之學道，衆言令惜汝才，奈何警之，苦諭乃止。

余親見此老數藝，猶記其牛羊父母題破云：二獸歸二親。弟肆殺兄論也。校人烹之破云：校人方畜魚之

命而必熱之焉。又自言曾詣友人家。值會課。題爲閔子騫冉伯牛。衆方開筆。苦於難破。吾破之曰。四賢中。二賢德行中。可取也。友人見我。二字切題。喜極。無不笑倒者。

○○愚癡

顧愷之癡信小術。桓玄嘗以一柳葉詒之。曰。此蟬翳葉也。以自蔽。人不見已。愷之引葉蔽已。玄佯昧而溺之。愷之信玄不見已。受溺而珍葉焉。

裴令公性慕禪林。往往挂衲。所生子女。多名師女僧兒。

潛令婢妾承事禪師，留其聖種。

則天內宴甚樂，河內王懿宗忽起奏曰：「臣急告君，子急告父。」則天大驚，引前問之，封曰：「臣封物承前府家自微，近敷州縣徵送，大有損折。」則天怒曰：「朕諸親會飲，甚歡，汝是親王，爲二百戶封，幾驚殺我。」敕令曳下。

黃魯直有癡弟，畜漆琴而不御，蟲蝨入焉，魯直嘲之曰：「龍池生壁蝨，而未有對。」魯直之兄大臨見牀下以溺罍畜生魚，問之，其弟也，大呼曰：「可對虎子養溪魚。」

崑山孫嘿齋名雲進士乃孫性騃，已破家盡矣，惟餘兩坐枕。

一日見攜籠過者、欲買而無錢、以一杙與換之、其人將杙售鄰家、得米二斗、鄰家意欲成對、其人曰、易耳、乃復以籠往換、孫頓足曰、何不早來、果有一杙、適已碎作薪、煮籠矣。

○○ 妬癡

李益有妬癡、閑妻妾過虐、每夜撒灰扃戶、以驗動靜、據小說、李十郎負霍小玉、其癡疾乃霍爲祟而然、崑山陳梧亭言其邑某秀才、亦有癡疾、而性更迂緩、夜在家、嘗伏暗處、俟其妻過、據前擁之、妻驚呼、則大

喜曰吾家出一貞婦矣。一日喚土工甚急。繼之以怒。工方爲大家治屋。屢辭不獲。乃舍而就之。問何造作。指門內壁間一隙曰。爲塞此。工慍曰。撥忤而來。宜先其急者。答曰。汝何知此隙雖小。間壁有瘦長漢。盡可鑽入。吾是以汲汲也。又歲中藏橘腐潰。不可食。乃攜於橋欄上。每雙數而擲之河中。人問曰。旣棄。何數爲。答曰。雖棄物。亦要一見數目。

○愛癡

尾生與女子期於梁。女子不來。水至不去。抱梁柱而死。

萬世情癡之祖

荀奉倩與婦至篤。冬月婦病熱，乃出中庭，自取冷，還以
身熨之。吳下韋生貌劣而善媚，於冬月宿名妓金兒家。
妓每欲用餘桶，韋輒先之。候桶煖，方便乘坐。

按奉倩竟以傷逝不壽，同脫火宅，固所願也。韋生終
與金兒諧好，豈餘桶債不了耶？

吳中陳體方以詩名，有妓黃秀雲，性黠慧，喜詩，謬謂體
方曰：「吾必嫁君。」然君家貧，乞詩百首爲聘。體方信之，苦
吟至六十餘章，神竭而歿。情致清婉，方苦吟時人多笑。

其老耄被詒而欣然每誇於人以爲奇遇

按體方每有吟咏必先索酒將死頭戴野花肩輿遍遊田前狂醉三日乃逝亦異人也

○○寵妃

齊後主寵馮淑妃周師之攻晉州也羽書告急帝方獵欲還妃請更殺一圍從之城遂沒帝至作地道攻之城陷十餘步將士乘勢欲入帝敕且止召妃共觀之妃妝點不獲時至周人以木拒塞城遂不下

後燕慕容熙寵愛符后從伐高句驪至遼東爲衝車地

道以攻之、城且陷、欲與后乘輦而入、不聽、將士先登、由是城守復完、攻之不克、未幾、符后死、熙悲號氣絕、久而復蘇、大殮已訖、復啟其棺、與之交、接服斬縗食粥、制日僚於閣內設位哭臨、使有司案檢有淚者、以爲忠孝、無則罪之、羣臣震懼、無不含辛致淚焉。

○眇媚

秦少游云、媚有眇一目者、貧不能自贍、乃西遊京師、有少年從數騎出河上、見而悅之、遂大嬖幸、取置別第中、囁嚅同奉、惟恐不當其意、有書生嘲之、少年忿曰、自余

得○若○人○還○視○世○之○女○子○無○不○餘○一○目○者○夫○佳○目○得○一○足○
矣○笑○以○多○焉○

○內園小兒

幸蜀記唐僖宗寵內園小兒張浪狗一日以無馬告因
密與百金俾自買之浪狗求得馬置宣徽南院中帝因
獨行往觀繞馬左右連稱好馬其馬未調忽爾騰躍踏
帝左脇遂昏倒浪狗驚惶以銀盂注尿灌之良久方甦
僞稱氣疾醫人候脉謂是膀胱氣投治不效而崩
其密與百金也如竊簪餌婢其獨行觀馬也如頑童

背師。其倒地灌尿也。如無賴喫打。全然不像皇帝矣。
○愛子

清波雜志。端拱二年。河南府言前郢州刺史穆彥璋。以
愛子死。不願生。挺身入山林。飼餓虎。

○○噉癡

呂氏春秋。齊莊公時。有士曰賓卑聚。夢有壯子叱之。唾
其面。惕然而寤。終夜坐不自快。明日告其友曰。吾少好
勇。年六十無所挫辱。今夜辱吾。將索其形。期得之。則可。
不得。將死之。每朝與其友俱立乎衢。三日不得。却而自

歿

常熟秦廷善性多憨怪嘗聞史至不平時必拊案切齒一日觀秦檜殺岳飛大怒且拍且罵妻勸之曰家惟十九已碎其人矣留此喫飯亦好廷善叱之曰汝與秦檜通姦耶遂痛擊之

○○貪癡

玄宗欲相牛仙客慮時議不協問於高力士力士亦以爲不可上怒曰卽當相康嘗蓋舉極不可者言耳左右竊報嘗卽拜相嘗以爲然乃盛服趨朝就列延頸冀有

成命時人笑之、

世廟時、通州虜急、怒大司馬丁汝夔、置之辟、縉紳見而歎曰、仕途之險如此、有何宦情、中一人笑曰、若使兵部尚書一日殺一箇、只索拋却、若使一月殺一箇、還要不怕死做他。

王溥父祚、致仕家居、呼一瞽者問壽、歷舉八十九十以至百歲、皆云未也、此壽星命最少、亦須一百三四十歲、祚喜甚、令更推中間、莫有疾厄否、瞽者細數至百二十歲時、曰、秖此年流星欠利、祚便驚愕、瞽者曰、無傷也、微

苦臟腑尋便安耳。昨回顧子孫在後侍立者曰爾輩切
記。此年莫着我喫冷湯水。

廬山九天使者廟有道士忘其姓名體貌魁岸飲噉酒
肉有兼人之量晚節服餌丹砂躁於冲舉魏王之鎮潯
陽也郡齋有雙鶴因風所飄憩於道館迴翔嘹唳若自
天降道士且驚且喜焚香端簡前瞻雲霓自謂當赴上
天之召命山童控而乘之羽儀清弱莫勝其載毛傷背
折血灑庭除仰按久之是夕皆斃翌日馴養者詰知其
狀訴於公府王不之罪處士陳沆聞之爲絕句以諷云

噉肉先生欲上昇。黃雲踏破紫雲崩。龍腰鶴背無多力。
傳語麻姑借大鵬。

近年浙中一士夫學仙。屏居已久。妄自意身輕。可以
飛舉。乃於園中累案數層。登而試之。兩臂纔張。遽爾
墜損。醫藥彌月始愈。

相位至尊也。而怪不可者。亦作妄想。殺慘禍也。而慕
兵部尚書者。不怕一月殺一箇富貴之迷人。如此哉。
富貴不已。則思壽。壽不已。則思仙。癡而貪。猶可言也。
貪而癡。不可言矣。有夢貸人以錢者。早遇其人。索償。

甚急其人怒曰汝夢耶夢者曰固也汝卽夢中我
亦可但不得賴此以癡而貪者也秦皇漢武竭天下
之力以求神仙梁武三捨身同秦寺羣臣出錢贖之
此以貪而癡者也

○○惡癡

齊文宣晚年畱情沈湎肆行淫暴或袒露形體塗傅粉
黛遊行市肆或使劉桃枝崔季舒負之而行擔胡鼓而
拍之歌謳不息或持竿架遊行市廛問婦人曰天子何
如答曰顛顛癡癡何成天子遂殺之褒謁之好直諫文

宣臨以白刃、顏色不變。帝曰：「癡漢何敢爾！」楊愔曰：「彼望陛下殺以取後世名耳。」帝投刃嘆曰：「小子望我殺以成名，我終不成爾名。」

文宣嘗醉至北宮，適太后坐一小榻。帝手自舉牀，后便墜落，頗傷。既醒，大慚，遂令多聚柴，欲自焚。太后驚懼，親自持挽，乃令高歸彥執杖，口自責疏，脫背就罰，敕歸彥杖不出血。當斬汝，太后涕泣抱持，乃許。笞脚五十。三臺構木高二十七丈，兩棟相距二百餘尺，工匠危怯，皆繫繩自防。帝登脊疾走，都無怖畏。時復雅舞，折旋中。

節又召死囚以席爲翅從臺飛下免其罪戮

文宣寵幸薛嬪忽疑其與清河王岳通無故斬首藏之於懷出東山宴勸酬始合忽探出頭投於枰上支解其屍弄其髀爲琵琶一座莫不喪膽帝方收取對之流淚歎惜云佳人難再得載屍出葬自被髮步哭送之

○今○演○武○製○倭○子○阿○興○總○見○戲○耳○

幼主戲令黑衣爲羌兵鼓譟陵城而親率內參臨拒又自晉陽東巡單馬馳驚衣解髮散而歸又好不急之務一夜索蝎至急民間一蝎價與珠等及旦徵得三升又於華林園立貧窮村舍帝自弊衣爲乞食兒又爲窮兒

之市、親自交易、

隋煬帝於景華宮徵求螢火、得數斛、夜出遊山放之、光遍巖谷、

明帝崩、東昏惡靈在太極殿、欲速葬、徐孝嗣固爭、得踰月、每當哭、輒推喉痛、大中大夫羊闡入臨、號慟俯仰、憤遂脫地、帝輟哭大笑、

東昏每出遊走、惡人見之、驅斥百姓、惟置空宅、一月率二十餘出、既往無定處、尉司常慮得罪、應旦出、夜便驅逐、有不及披衣、徒跣走出者、或病人不便扶持、中道棄

之多死一產婦不能行帝入其室令剖腹視男女焉

惠棟考

東昏開渠立埭躬自引船埭上設店坐而屠肉百姓歌曰閭武堂種楊柳至尊屠肉潘妃沽酒

先是鬱林王常曰佛法言有福生帝王家今見作天王便是大罪動見拘束不如市邊屠沽兒百倍寶卷殆其故智耳

唐太子承乾好狎羣小嘗募亡奴盜民間馬牛自臨烹煮與所幸廝役共食之又與漢王元昌善朝夕同遊戲大呼交戰擊刺流血以爲笑樂

○風流箭

寶曆中帝造紙箭竹皮子紙間密貯龍麝香末每宮嬪羣聚帝射之中有濃香觸體了無楚害宮中名風流箭爲之語曰風流箭中的人人顫

○癡畜生

鷺性癡見人輒伸頸相嚇故俗稱癡人爲鷺頭

螳螂怒臂以當車轍

鰕魚性癡見人則樹其鬚謂人懼已也

海中烏鰂魚有八足能集足攢口縮口藏腹腹含墨值

漁艇至，卽噴墨以自蔽。魚視水黑，輒投網獲之。錦雞愛其毛羽，自照水，因而有溺死者。

陝西出半翅鳥，倍大如鴿，鷄肉味亦如之。性極癡，又謂之半癡，亦曰癡半。好視紅物，飛不遠，輒下歇。人着紅裙襖以誘之，則近身凝視不去，故可得。

蚰蚸大者如柱，性喜花，嘗出逐鹿食。寨兵數輩滿頭插花，趨赴，蚰必駐視。漸近，競拊其首，大呼紅娘子。蚰頭亦俛不動。壯士大刀斷其首，衆奔散。伺之有頃，蚰身覺奮，迅騰擲。旁小木盡拔，力竭乃斃。數十人舁之，一村飽其

肉

螳螂。噍。癡也。鷺與鰕。癡也。烏鰂。愚癡也。錦雞。愛癡也。牛。翅。蚬。蛇。愛癡。亦貪癡也。故癡趣。非人不能領。若惡癡。則畜生之不若矣。

癡絕部 終